



Ordinaziun d'energia dalla vischnaunca Ilanz/Glion (Ordinaziun d'energia; OEn)

Dils 29-10-2024 (versiun dils *gi da meins* 2025)

La suprastonza communal da Ilanz/Glion,

sebasond sin art. 6 dalla lescha d'energia dalla vischnaunca Ilanz/Glion (LEn; LIG 75.2),

decida:

I. Disposiziuns generalas

Art. 1 Intent

¹ Quell'ordinaziun reglescha en special las cundiziuns per l'utilisaziun dils mieds per la promoziun d'in diever d'energia persistent ed efficient.

II. Organisaziun

Art. 2 Suprastonza communal

¹ La suprastonza communal ha en special las suandontas incumbensas:

- a. approbaziun dil catalog da mesiras marcau d'energia che vegn inoltraus dalla cumissiun d'energia;
- b. approbaziun dil preventiv che vegn inoltraus dalla cumissiun d'energia per mauns dil parlament communal.

Art. 3 Cumissiun d'energia

¹ La cumissiun d'energia ha en special las suandontas incumbensas e cumpetenzas:

- a. elaborar in catalog da mesiras marcau d'energia per mauns dalla suprastonza communal;

-
- b. elaborar propostas sco era in preventiv per promover in'utilisaziun persistenta ed efficienta dall'energia per mauns dalla suprastanza communal tenor art. 4 al. 2 e 3 dalla lescha d'energia¹;
 - c. competenzas d'expensas el rom dil preventiv approbau per las activitads dalla cumissiun d'energia;
 - d. delegar incumbensas a tierzas personas el rom dil preventiv;
 - e. consultar personas decisivas sin plaun communal sco era personas dil fatg externas;
 - f. iniziar e/ni realisar las mesiras tenor il preventiv approbau;
 - g. instruir ils responsabels ella vischnaunca da far stem da sligiazions persistentas per ademplir lur incumbensas;
 - h. colligiazion dils acturs en ils differents camps d'aziun.

² La cumissiun d'energia ei ina cumissiun executiva permanenta tenor art. 10 al. 1 dalla lescha d'indemnisaziun²).

Art. 4 Partiziun planisaziun e construcziun

¹ La partiziun planisaziun e construcziun meina il secretariat dalla cumissiun d'energia.

III. Finanziaziun

Art. 5 Taxa

¹ La taxa per l'utilisaziun speciala da terren public sin intschess communal dad Ilanz/Glion importa 1 rap per ura kilowat (kWu).

² La finanziaziun da projects tenor art. 4 al. 2 dalla lescha d'energia³) sto vegnir cumprovada corrispudentamein.

Art. 6 Fond d'energia

¹ Il fond d'energia ligiaus ad in intent tenor art art. 4 al. 3 dalla lescha d'energia⁴) vegn presentaus separadamein el quen annual. La vischnaunca sa en-drizzar ina garanzia adequata (deposit ligiau ad in intent) per ils mieds finansials.

¹) LIG 75.2

²) LIG 14.1

³) LIG 75.2

⁴) LIG 75.2

IV. Disposiziuns finalas

Art. 7 Entrada en vigur

¹ Quell'ordinaziun entra en vigur igl x. da meins 2025.

² Cun l'entrada en vigur da quell'ordinaziun ein las disposiziuns d'auters decrets che stattan en cuntradicziun cun ella abrogadas.

per enconuschientscha

Tabella dallas modificaziuns – tenor conclus

Conclus	Entrada en vigur	Element	Modificaziun	Publicaziun CRS
29-10-2024	01-01-2025	relasch	emprema versiun	-

per enconuschientscha

Tabella dallas modificaziuns – tenor element

Element	Conclus	Entrada en vigur	Modificaziun	Publicaziun CRS
relasch	29-10-2024	01-01-2025	emprema versiun	-

per enconuschientscha